

## Uma Pido matkasari om matkarato pääle toonu sato huviliisi

Tulõva aastaga 2. juunil toimuv järjekõrran jo viies Uma Pido tougas' inne rahvapito käümä matkasarja, miä härgütäs huviliisi kaema minemä Vana Võromaa katsat kihlkunda ni Setomaad. Inemiisi suur huvi kultuuriluuliisi matko vasta oll' pall'o suurõmb kõrraldajidõ oodõtust.

Uma Pido kümneosalitsõ matkasarja „Määne om seo maa? Kaemi perrä!“ edimäne matk oll' 15. oktoobril Räpinä kihlkunnan Meenikunnon. Teema oll' „Mõtsavele' Palomaal“ ni mõtsamiis Tigani Kuarel kõnõl' matkaliisilõ mõtsaveljost, tõrvapalotamisõst, vaigu korjamisõst ni avaäiritüs tõi Meenikunno mõtso vaihõlõ kokko inämb ku paarsada matkalist.

29. oktoobril käve rohkõmb ku 140 matkalist külän Võro-Setomaa piirialal, kon ao- ni kultuuriluulidsõlt vägevät kanti tutvustiva' Hõrna Aare, Tuulõ Kaja ni Kiristaja Arvis. 11. novembril veivä' Kroonmäe Aivari ni luudusgiidi Loodusõ Sirje Urvastõ kihlkunnan kõik huvilidsõ' kaema tuukandi kultuuriluulidsõlt põnövidõ kotussidõ ku ka pokudõ eloga.

Seo aasta viimätsel matkasarja matkal veivä' matkakõrraldaja Maidla Meelis ja Matkajuht Leitu Ülo inemise' 2. detsembril Põlva kihlkunnan paiknõvahe Taivaskotta. Ka seekõrd läts' matkaraalõ inämb ku 140 inemist. Vanust oll' matkaliisil nelä kuu kooni' 80 aastaga vaihõl ja umbõs 30 matkalist olli' üten tennü' kõik neli retke.

Kõigil neläl matkal üten käünü Kahu Kristi jutu perrä miildüski tälle Uma Pido matkasarja man tuu, et läbi matko tutvustadas elämüsligult Vana Võromaa kultuuriluulist perändüst. „Neo' matka' omma' väegä põnöva' ja nigu huviliisi suurõst arvust nätä', om säändsise matko jaos nõudlus olõman.“ ütäl' tä.

Ka Uma Pido projektijuhi Tigasõ Merikese sõnno perrä tull' inemiisi sedävõrd suur huvi matko vasta kõrraldajilõ üllätüsenä. „Mis säääl salata, ollimi arvõstanu kõgõ inämb poolõsaa matkajaga matka kottalõ, no periselo ütäl' kõgõ julgõmbagi ettearvamisõ',“ ütäl' Tigas, kinkä meelest näütäs matko populaarsus lõunaeestläisi suurt huvvi ummi juuri vasta ja ka aktiivsõt eloviisi.

Järgmine matk om 17. märtsil 2018 Karula kihlkunnan ja sis mindäs Lüllemäe kandin Lattiku Jaani rato pääle. Ni seo ku edespiditside matko kottale saa teedüst adrõssi päält [umapido.ee/et/upmatkasari](http://umapido.ee/et/upmatkasari).

Matka' omma' päält Uma Pido pühendedü ka Eesti Vabariigi 100. sünnüpääväle. Naid kõrraldasõ' MTÜ Võro Selts VKKF, MTÜ Luumisõ Kõrd, Võromaa ja Põlva maakunna spordiliidu', Võro Instituut, kaitsõliidu Võromaa ja Põlva malõva', Põlva Matkaklubi jt. Matku tugõva' rahandusministeerium kohaligu umaalgatusõ programmi vahendiist (Võro ja Põlva mk), Rahvakultuuri Keskusõ Vana Võromaa kultuuriprogramm ja Taheva ja Karula vallavalitsusõ'.

Teedüst saa mano:

Projektijuht Tigasõ Merike  
Tel 5691 6280  
[merike.tigas@wi.ee](mailto:merike.tigas@wi.ee)